

Broj: 01-11-12-1698-8/24  
Sarajevo, 16.09.2024. godine

Na temelju člana 70. Zakona o javnim nabavkama („Službeni glasnik BiH”, br. 39/14, 59/22 i 50/24), Plana nabavki Federalne uprave za geodetske i imovinsko-pravne poslove, broj: 01-11-12-399-1/24 od 21.08.2024. godine, Odluke o pokretanju otvorenog postupka javne nabavke usluga - „GNSS mjerenja za potrebe modeliranja geoida FBiH”, broj: 01-11-12-1698/24 od 22.08.2024. godine, te preporuke Komisije za javnu nabavku, date u Zapisniku o ocjeni ponuda, broj: 01-11-12-1698-7/24 od 16.09.2024. godine, direktor Federalne uprave za geodetske i imovinsko-pravne poslove d o n o s i

## **O D L U K U**

### **o izboru najpovoljnijeg ponuđača za javnu nabavku usluga – „GNSS mjerenja za potrebe modeliranja geoida FBiH“**

#### **I**

Prihvata se preporuka Komisije za provođenje otvorenog postupka javne nabavke usluga - „GNSS mjerenja za potrebe modeliranja geoida FBiH”, data u Zapisniku o ocjeni ponuda, broj: 01-11-12-1698-7/24 od 16.09.2024. godine, da se za najpovoljniju ponudu prihvati ponuda Grupe ponuđača: Geobiro d.o.o. Konjic & BNpro d.o.o. Sarajevo.

#### **II**

Grupi ponuđača: Geobiro d.o.o. Konjic & BNpro d.o.o. Sarajevo, u skladu sa Ponudom, broj: 085-C-24 od 09.09.2024. godine, i cijenom ponude u iznosu od 115.350,00 KM bez PDV-a, odnosno u ukupnom iznosu od 134.959,50 KM sa PDV-om, dostavit će se prijedlog ugovora za javnu nabavku usluga - „GNSS mjerenja za potrebe modeliranja geoida FBiH“.

#### **III**

Izabrana Grupa ponuđača: Geobiro d.o.o. Konjic & BNpro d.o.o. Sarajevo je uz ponudu dostavila sve kvalifikacijske dokaze iz izjava, odnosno iz uslova propisanih tenderskom dokumentacijom

#### **IV**

Odluka o izboru najpovoljnijeg ponuđača dostavit će se izabranoj Grupi ponuđača: Geobiro d.o.o. Konjic & BNpro d.o.o. Sarajevo od tri (3) dana, a najkasnije u roku od sedam (7) dana od dana donošenja, preporučenom poštom ili neposredno.

#### **V**

Ova Odluka stupa na snagu danom donošenja.

## Obrazloženje

Na temelju Zakona o javnim nabavkama („Službeni glasnik BiH“, br. 39/14, 59/22 i 50/24) i Plana nabavki za 2024. godinu, broj: 01-11-12-399-1/24 od 21.08.2024. godine, Federalna uprava za geodetske i imovinsko-pravne poslove (u daljem tekstu: ugovorni organ) je Odlukom o nabavci, broj: 01-11-12-1698/24 od 22.08.2024. godine, pokrenula otvoreni postupak javne nabavke usluga - „GNSS mjerenja za potrebe modeliranja geoida FBiH“, za koji je na web Portalu Agencije za javne nabavke BiH objavila tendersku dokumentaciju i Obavještenje o nabavci, broj: 399-1-2-30-3-42/24 od 23.08.2024. godine.

Postupak je provela Komisija za javnu nabavku (u daljem tekstu: Komisija) imenovana Rješenjem direktora Federalne uprave za geodetske i imovinsko-pravne poslove, broj: 01-11-12-1698-1/24 od 22.08.2024. godine, koja je o istom sačinila Zapisnik o zaprimanju ponuda, broj: 01-11-12-1698-4/24 od 12.09.2024. godine, Zapisnik o otvaranju ponuda, broj: 01-11-12-1698-5/24 od 12.09.2024. godine i Zapisnik o ocjeni ponuda, broj: 01-11-12-1698-7/24 od 16.09.2024. godine.

U skladu sa tenderskom dokumentacijom i Obavještenjem o nabavci sa web Portala Agencije za javne nabavke BiH, dana 12.09.2024. godine u 10:30h, na adresi ovog ugovornog organa, bez prisustva predstavnika ponuđača, izvršeno je javno otvaranje blagovremeno dostavljenih ponuda, i to ponude:

### 1. Grupa ponuđača: Geobiro d.o.o. Konjic & BNpro d.o.o. Sarajevo

Po predmetnom nadmetanju, Komisija je ustanovila da je do roka utvrđenog tenderskom dokumentacijom i obavještenjem o nabavci dostavljena ukupno jedna (1) ponuda za predmetnu nabavku usluga, i to ponuda Grupe ponuđača: Geobiro d.o.o. Konjic & BNpro d.o.o. Sarajevo.

Pregledom i analizom navedene ponude, Komisija je na samom početku evaluacije primjetila da je Grupa ponuđača: Geobiro d.o.o. Konjic & BNpro d.o.o. Sarajevo propustila da popuni tačku 3. (cijena ponude) izjave ponuđača uz Aneks 1 (Obrazac za ponudu), dok su ostale tačke izjave u potpunosti ispunjene, no kako je imenovana grupa ponuđača u potpunosti i pravilno ispunila Obrazac za cijenu ponude (Tehnička specifikacija) iz Aneksa 2, to nije bilo razloga da se predmetna ponuda odbaci, a imajući u vidu ono što je navedeno tačkom 6.5.2. tenderske dokumentacije, kojom tačkom je propisano da se ponuda odbacuje ukoliko ponuđač propusti da popuni Obrazac za cijenu ponude (Tehnička specifikacija) iz Aneksa 2, te je Komisija konstatovala da se u konkretnom slučaju radi o manjem propustu.

Nadalje, Komisija je ustanovila da je Grupa ponuđača: Geobiro d.o.o. Konjic & BNpro d.o.o. Sarajevo kvalifikovana za pružanje predmetnih usluga, da je predmetna ponuda u iznosu koji je nešto niži od vrijednosti koja je procijenjena za ovu vrste nabavke usluga, zatim da je uz ponudu dostavljena sva obligatorna dokumentacija prema uslovima tenderske dokumentacije, kao i svi kvalifikacijski dokazi prema uslovima tenderske dokumentacije, te da ponuda ne sadrži formalno-pravne nedostake koji bi eventualno bili razlog za odbacivanje iste.

Tačkom 3.7. tenderske dokumentacije ovaj ugovorni organ je za predmetnu nabavku usluga predvidio postupak E-aukcije, međutim imajući u vidu da je zaprimljena samo jedna prihvatljiva ponuda, to u skladu sa odredbom člana 3. stav (3) Pravilnika o uslovima i načinu korištenja E-aukcije („Službeni glasnik BiH“, broj 66/16) nije bilo osnova za zakazivanje postupka E-aukcije.

Uzimajući u obzir naprijed navedeno, kao i kriterij prihvatljive ponude sa najnižom cijenom kao uslova za dodjelu ugovora, kako je to propisano tačkom 3.6. tenderske dokumentacije, Komisija je ocijenila da je ponuda Grupe ponuđača: Geobiro d.o.o. Konjic &

BNpro d.o.o. Sarajevo formalno-pravno i tehnički prihvatljiva, te da ispunjava sve kvalifikacione uslove tražene tenderskom dokumentacijom i projektnim zadatkom, pa je stoga direktoru Federalne uprave za geodetske i imovinsko-pravne poslove jednoglasno predložila donošenje odluke o izboru ove ponude kao najpovoljnije za javnu nabavku usluga - „GNSS mjerenja za potrebe modeliranja geoida FBiH“.

U postupku donošenja ove Odluke, prihvata se preporuka i obrazloženje Komisije, dato u Zapisniku o ocjeni ponuda broj: 01-11-12-1698-7/24 od 16.09.2024. godine, da se za najuspješniju ponudu u predmetnom postupku javne nabavke usluga prihvati ponuda Grupe ponuđača: Geobiro d.o.o. Konjic & BNpro d.o.o. Sarajevo, a koja ponuda je ocijenjena kao prihvatljiva, tehnički kvalifikovana i najpovoljnija, sa cijenom ponude u iznosu od 115.350,00 KM bez PDV-a, odnosno u ukupnom iznosu od 134.959,50KM sa PDV-om.

U analizi provedenog postupka, ugovorni organ nije našao razloge nepravilnosti, niti propuste u radu, koji bi eventualno bili osnov za neprihvatanje preporuke Komisije.

Na prijedlog Komisije, ovaj ugovorni organ je odlučio kao u dispozitivu ove Odluke.

**Pouka o pravnom lijeku:** U skladu sa odredbama člana 99. i člana 101. Zakona o javnim nabavkama, protiv ove Odluke može se uložiti žalba u roku od deset (10) dana od dana zaprimanja. Žalba se podnosi Uredu za razmatranje žalbi putem ugovornog organa u pisanoj formi direktno ili preporučenom poštanskom pošiljkom. Žalba se predaje neposredno ugovornom organu ili putem preporučene poštanske pošiljke, u dovoljnom broju primjeraka, a koji ne može biti manji od tri (3).

**DIREKTOR**  
  
Željko Obradović, dipl.ing.geod.



**Prilog:** Zapisnik o ocjeni ponuda

**DOSTAVITI:**

1. Geobiro d.o.o. Konjic (lider Grupe ponuđača);
2. Sektor za izmjeru, kartografiju i komasaciju zemljišta - o v d j e;
3. U spis.

